

Dieg Yauz Sei qgyaiq, Yienghndei Ginhsiu

世界瑶都，风情金秀

□ Maknam comz hoiz



Ginhsiu dwg aen Yauzcuz swciyen ceiq caeux laebbaenz guek raeuz. Boux yinzlei sevei yozgyah Fei Yaudungh naeuz: “Aen sei qgyaiq Yauzcuz yenzgiu cungsim youq Cungguek, aen Cungguek Yauzcuz yenzgiu cungsim youq Ginhsiu.” Ginhsiu miz Yauzbuenz、Yauzcazsanh、Yauzvalanz、Yauzsanhsj、Yauzau haj aen Yauzcuz cihhi, vwnzva Yauzcuz naekna, gij daemj siuq Yauzcuz youq sei qgyaiq mizmingz, Ywyauz engq dwg gaeuqgeq youh saenzgeiz.

Ginhsiu Yauzcuz Swciyen youq-laeng diegbya Guengjsae, rinsa ndoibya daegbied, goengqgoengq sangnengneng, bya raemx doxdep doxbaengh, gingjsaek saedcaih ndei. Byaswngdangz dwg goengq bya daih haj sang laeng Guengjsae, gwnzde baenz ndoi baenz ndoi varenj, daj gwnz dingbya muenghcoh baihyae, fwjmok ngeungeu, ndei yawj dangqmaz. Moix bi ndwen ngux, fanh moux varenj hailangh hoenghhdhwd, baenz bya baenz doengh, lumj aen haijva gvangqlangh nei. Ndw n youq gwnz sang, caenh raen gogo cungj hai dwk nauhyied oenxoex, gak saek varenj gyaеundeі, saekhoengz、saekhenj、saekhau camca. Valup dwg saek-hoengzmaeq, mwh dujva ngamq hai dwg saekmeizgveiq, hai hoengh seiz youh bienqbaenz saekhoengzmaeq oiq cab di saeknonhgyaemx, mwh yaek baih seiz caiq bienqguh saekhenjoiq. Ci roennou baenaj, caenh mwngz yawjraen go coengz hung nyig rumz daengisoengz seiz, baenzneix mwngz gaenq benz daengz giz ceiq sang Ginhsiu bae lo. Yawj coh sei qhenz, yienghndei Byayauz cungj ndaej yawj caez.

Byava' ngaеux dwg aenvih yienghbya lumj duj va' ngaеux hailangh ndeu couh heuh coh neix. Gij gingjsaek gwnzbya couh lumj gyonj-comz gijndei Vangzsanh、Luzsanh、Canghyahgai caemhguh giz ndeu, lingzdoengh ndei yawj, buenq caen buenq loq, couh lumj byaij youq fuk vehsuijmoz ndawde nei. Fwjmok youq goengqgoengq bya sei qhenz fouzfiengj geujheux, lumj raemxlangh doengh-fubfub, yawj mbouj raen gyaеuj.

Doenghgo gwnbya couh lumj banh le baenz ndang hei q sien, saenzmaed youh seuqcingh. Gizgyae goengqbya yaep raen yaep ndwi, baez utvan ndeu, cungj mbouj rox swhgeij youq gizlawz lo.

Gij dinfwngz daemj siuq Yauzcuz dwg cungj feihyiz vwnzva Ginhsiu. Aenvih aeu gihei guh buh cienzbonj daemq gvaq aeu fwngz daemj, bouxcz caiq okrog dajgoeng liux, hix mbouj haengj hag cungj dinfwngz neix, ndigah gij dinfwngz daemj siuq Yauzcuz diegde ca didi saetcienz. Seizneix caenh miz mbangjboux mehmbwk sei q hajcib bi doxbae de rox guh lo. Gij daemj siuq Yauzcuz hoj couh hoj youq mbouj miz doz bae ciuq guh, caiqlj gij raizva ndaw naj cungj aeu doiqwnq. Aenvih guh hwnjdaеuj hoj lai, daemj diuz saihwet couh aeu guh baenz ndwen cijndaej. Cau Fung' yangh dwg bouxciepciенz gij dinfwngz daemj siuq Yauzcuz, gyawj geij bi neix de cungj youq ndaw yienh hai ban son cungj dinfwngz neix. Cwngfuj caemh gaenxmaenx henhoh, seizneix gij mingzdaеuz dinfwngz daemj siuq、ywdoj、foux gyong-naezhenj、diuq Buenzvuengz daengj vwnzva cienzdoengj gaenq cienz ok Byayauz hung bae lo.

Gij vwnzva lij louz、cietheiq minzsug Ginhsiu caemh gag miz daegsaek, langhбай vnzlai Ginhsiu gyo ndwenngoенz、maqmuengh bae-laeng gvaq ndaej engq ndei. Gij laeujyauzvuengz、laeujdaizraez、laeuj-aenndoengj daengj cungj miz gijgwn miz daegsaek de. Hekyouz mboujdan youq ndei gwn van, daejniemh yienghndei Yauzcuz, lij ndaej ngonz-yawj hwnj byacax、dangh haijfeiz、gvaq lienhfeiz、benz daizfwj、“benz laeuz” doxiek、diemj bogfeiz “okhaq” daengj biujyenj dem.

Gij gyaеundeі Ginhsiu, youq-laeng bya gyaеu raemx sawdik, youqlaeng vwnzva Yauzcuz, youqlaeng lajmbanj lumj hotsei, youqlaeng cwxcaih simlangh. Neix couh dwg Ginhsiu, seizcin valangh seizdoeng yawj nae, seizhah rumz liengz seizcou ronghndwen, gizdieg mwngz daеuj le couh sij mbouj ndaej lizbae ndeu.

(Gij doz daj gwnzmuengx aeu)



▲Byava' ngaеux.



▲Laeujaenndoengj Yauzcuz.



▲Foux gyongnaezhenj.

Cinz Cinh ingj